



მემორანდუმი

ქ.თბილისი

31.03.2015წ.

შპს „ზავი ზღვის საერთაშორისო უნივერსიტეტი“ (შემდგომში „უნივერსიტეტი“) წარმოდგენილი რექტორის, ილიას ჩილოღლუს სახით, ერთის მხრივ და ა(ა)იპ „საქართველოს სტრატეგიული კვლევების ინსტიტუტი“ (შემდგომში „ინსტიტუტი“) წარმოდგენილი მისი დირექტორის, ეკატერინე ლაშვილის სახით მეორეს მხრივ, მოქმედი კანონმდებლობის მოთხოვნების გათვალისწინებით, ვდებთ წინამდებარე მემორანდუმს და ვთანხმდებით შემდეგზე:

მუხლი 1. მემორანდუმის მიზანი

1. მემორანდუმის ძირითადი მიზანი მოიცავს უნივერსიტეტის სოციალურ მეცნიერებათა ფაკულტეტის აკადემიური უმაღლესი განათლების პირველი, მეორე და მესამე საფეხურის საგანმანათლებლო პროგრამების (საერთაშორისო ურთიერთობები, ეკონომიკა, საჯარო ადმინისტრირება და სახელმწიფო მმართველობა) (შემდგომში „სოციალურ მეცნიერებათა ფაკულტეტის საგანმანათლებლო პროგრამები“) განვითარების მიზნით ურთიერთთანამშრომლობას.
2. მემორანდუმის მიზნების განხორციელებისათვის, დამატებით შესაძლებელია შედგეს შეთანხმებები, სადაც დეტალურად იქნება გაწერილი ცალკეული აქტივობები.

მუხლი 2. მხარეთა უფლება-მოვალეობანი

2.1 წინამდებარე მემორანდუმით განსაზღვრული მიზნების განხორციელებისათვის, უნივერსიტეტი უზრუნველყოფს:

2.1.1 სხვადასხვა მასშტაბების ღონისძიებებისთვის საკონფერენციო დარბაზების, ოთახებისა და სხვა სახის ტექნიკური რესურსის (როგორცაა პროექტორები, საკანცელარიო ნივთები, მიკროფონები და ა.შ.) გამოყოფას;

2.1.2 უნივერსიტეტის ფარგლებში და მის გარეთ ინსტიტუტის მიერ ორგანიზებული ღონისძიებების რეკლამირებას და აღნიშნულ ღონისძიებებში უნივერსიტეტის პერსონალის, სტუდენტებისა და სხვა დაინტერესებული პირების ჩართულობის უზრუნველყოფას.

2.2 წინამდებარე მემორანდუმით განსაზღვრული მიზნების განხორციელებისათვის, **ინსტიტუტი უზრუნველყოფს:**

2.2.1 მის მიერ ორგანიზებულ ღონისძიებებში უნივერსიტეტის სოციალურ მეცნიერებათა ფაკულტეტის სტუდენტების ჩართულობის უზრუნველყოფის მიზნით შესაბამის თანამშრომლობას;

2.2.2 ინსტიტუტის მიერ ორგანიზებული ღონისძიებების შესახებ ინფორმაციის მუდმივად ხელმისაწვდომობას უნივერსიტეტის სოციალურ მეცნიერებათა ფაკულტეტის სტუდენტებისათვის;

2.2.3 უნივერსიტეტის სოციალურ მეცნიერებათა ფაკულტეტის საგანმანათლებლო პროგრამების სტუდენტებისთვის სტაჟირების პროგრამების უზრუნველყოფას, შესაბამისი გამოცდის, გასაუბრებისა თუ სხვა წინაპირობების არსებობის საფუძველზე;

2.3 მხარეები ყოველმხრივ შეუწყობენ ხელს თანასწორუფლებიანი თანამშრომლობის განვითარებას და შეასრულებენ ურთიერთსანაცვლო ვალდებულებებს.

2.4 მხარეები იღებენ ვალდებულებას, რომ კეთილსინდისიერად და ჯეროვნად შეასრულონ ამ მემორანდუმით ნაკისრი ვალდებულებები, ყოველ კონკრეტულ შემთხვევაში, რომელიც დაკავშირებული იქნება მემორანდუმის საგანთან, აუნაზღაურონ ერთმანეთს მათ მიერ წინამდებარე მემორანდუმის შეუსრულებლობით ან არასათანადო შესრულების შედეგად მიყენებული ზიანი, საქართველოს მოქმედი კანონმდებლობით განსაზღვრული წესით.

3. მემორანდუმის მოქმედების ვადა და მისი შეწყვეტის საფუძვლები

3.1. მემორანდუმი ძალაში შედის მხარეთა მიერ ხელმოწერის მომენტიდან და მოქმედებს 1 წლის ვადით ორმხრივი ზეპირი შეთანხმების შემთხვევაში ავტომატური გაგრძელების პირობით.

3.2. მემორანდუმის შეწყვეტის საფუძვლებია:

3.2.1. მემორანდუმის მოქმედების ვადის გასვლა;

3.2.2. მემორანდუმის პირობების უხეში დარღვევა რომელიმე მხარის მხრიდან;

3.2.3. მხარის ინიციატივა - მხარეებს 3 (სამი) თვით ადრე წინასწარი დასაბუთებული წერილობითი გაფრთხილების საფუძველზე შეუძლიათ ცალმხრივად შეწყვიტონ მემორანდუმი.

3.2.4. მხარეთა წერილობითი შეთანხმება;

3.2.5. საქართველოს კანონმდებლობით გათვალისწინებული სხვა საფუძვლები.

4. ფორს-მაჟორი

4.1 მხარეები მთლიანად ან ნაწილობრივ თავისუფლდებიან მემორანდუმით განსაზღვრული ვალდებულებების შესრულებისგან, თუ ასეთი შეუსრულებლობა გამოწვეულია დაუძლეველი ძალის, ე.წ. „ფორს-მაჟორული“ გარემოებების მოქმედებით, კერძოდ საომარი—სამხედრო მოქმედებებით, გაფიცვით, სტიქიური უბედურებით (წყალდიდობა, მიწისძვრა, ხანძარი), ბლოკადით, კანონიერ ძალაში შესული სახელმწიფო ორგანოების ადმინისტრაციული აქტებით ან ქმედებებით და სხვა.

4.2. მხარეებმა დაუყოვნებლივ უნდა გააფრთხილონ ერთმანეთი „ფორს-მაჟორული“ გარემოებების დადგომისა და მემორანდუმით გათვალისწინებული ვალდებულებების მთლიანად ან ნაწილობრივ შესრულების შეუძლებლობის შესახებ;

4.3. მხარეების მიერ მემორანდუმით გათვალისწინებული ვალდებულებების შესრულება გადაიდება ფორს-მაჟორული გარემოებების მოქმედების შეწყვეტამდე.

5. კონფიდენციალურობის პირობები

მხარეთა მიერ ურთიერთთანამშრომლობის შედეგად მოპოვებული ინფორმაცია წარმოადგენს კონფიდენციალურ ინფორმაციას და არ დაიშვება წინამდებარე მემორანდუმის პირობების გაცნობა მესამე პირთათვის, მეორე მხარის წინასწარი წერილობითი თანხმობის გარეშე. აგრეთვე მხარეებმა უნდა უზრუნველყონ მემორანდუმის შესრულებისათვის გამიზნული კორესპონდენციისა და სხვა საქმიანი დოკუმენტაციის მესამე პირთა ხელყოფისაგან დაცვა, გარდა მოქმედი კანონმდებლობით დადგენილი შემთხვევებისა.

6. დასკვნითი დებულებები

6.1. წინამდებარე მემორანდუმში ცვლილებების შეტანა დაიშვება წერილობითი ფორმით, ორივე მხარის ხელმოწერით და ძალაშია ხელმოწერისთანავე.

6.2. იმ შემთხვევებში, რომლებიც არ არის გათვალისწინებული წინამდებარე მემორანდუმით, მხარეები იხელმძღვანელებენ საქართველოს მოქმედი კანონმდებლობით. კანონმდებლობაში მომხდარი ცვლილებების შედეგად ხელშეკრულების რომელიმე პუნქტის ძალადაკარგულად გამოცხადების ან ბათილად ცნობის შემთხვევაში, მემორანდუმის დანარჩენი პუნქტები ძალაში რჩება.

6.3. მემორანდუმი შედგენილია 2 თანაბარი იურიდიული ძალის მქონე ეგზემპლარად.

7. მხარეთა რეკვიზიტები

„უნივერსიტეტი“

„ინსტიტუტი“

„შავი ზღვის საერთაშორისო უნივერსიტეტი“

ა.(ა).ი.პ „საქართველოს სტრატეგიული კვლევების
ინსტიტუტი“

ს/კ. 229275405

ს/კ. 404964909

რექტორი

პრეზიდენტი

ილიას ჩილოღლი

ეკა ტყეშელაშვილი






